

唐  
音  
統  
籤

戊籤五十五薛逢之二

唐音統籤卷十六

七言律詩

元日樓前觀仗二首

千門曙色鑠寒梅五夜踈鐘曉箭催寶馬占堤朝  
闕去香車爭路進名來天臨玉几班初合日照金  
雞仗欲迴更傍紫微瞻北斗上林佳氣滿樓臺  
瞳瞳初日照樓臺漠漠祥雲雉扇開星駐冕旒三  
殿曉雲翻珠翠六宮

章鳥獸迴欲識書恩無遠近萬方歡抃一聲雷

八月一日駕幸延喜樓看冠帶降戎

唐書吐蕃傳先

是祿山之亂鳳翔之西邠州之北多沒於吐蕃大中三年吐蕃宰相論恐熱以秦原安樂三州及石門等七關來歸於是河隴耆老率長幼千餘人赴闕上御延喜門觀之解辭賜冠帶皆拊舞呼萬歲

城頭旭日照欄杆城下降戎綵仗攢九陌塵埃千

騎合萬方臣妾一聲歡樓臺乍仰中天易衣服初

迴左衽難清水莫教波浪濁從今赤嶺屬長安水

縣屬秦州通吐蕃游獵道

宣政殿前陪位觀冊順宗憲宗皇帝尊號宣

記上以河湟收復繼成先志追尊順宗曰至德大聖大安孝皇帝憲宗曰昭文穆武大聖孝皇帝御宣政殿行事冊出俯儀日送流涕為咽

樓頭鐘鼓遞相催曙色當衙曉仗開孔雀扇分香  
按出袞龍衣動冊函來金泥照耀傳中旨玉節從  
容引上台盛禮永尊徽號畢聖慈南面不勝哀

悼古

細推今古事堪愁貴賤同歸土一丘漢武玉堂人  
豈在石家金谷水空流光陰自旦還將暮草木從  
春又到秋閑事與時俱不了且將身暫醉鄉遊

驚秋

露竹風蟬昨夜秋百年心事付東流明霜義分成

虛語

曹子建詩分  
義明于霜

阜俗文章惜暗投長笑李斯稱

唐音統餞

卷六百六十六

戊

溷鼠每多莊叟喻，犧牛五湖煙水盈。歸夢蘆荻花  
中一釣舟。

六街塵

六街塵起鼓鼙繁，馬足車輪在處通。百役並驅衣  
食內，四民長走路岐中。年光與物隨流水，世事如  
花落曉風。名利到身無了日，不知今古旋成空。

貧女吟

殘粧滿面淚闌干，幾許幽情欲話難。雲鬢懶梳愁  
拆鳳，翠蛾羞照恐驚鸞。南鄰送女初鳴珮，北里迎  
妻已夢蘭。惟有深閨憔悴質，年年長凭繡床看。

樹后妃眠自從戎馬生河洛深鎖蓬萊一百年

開元後樂

莫奏開元舊樂章樂中高曲斷人腸邠王玉笛三更咽  
虢國金車十里香一自犬戎生薊北便從征戰老汾陽  
中原駿馬搜求盡沙苑年來草又芳

題昭華公主廢池館

管發簫聲水檻前夜蟾寒沼雨嬋娟微波有恨終歸海  
明月無情却上天白鳥帶將簾外雪綠蘋枯盡渚中蓮  
榮華不向人間住須讀莊生第一篇

題獨孤處士村居

江上園廬荆作扉男驅耕犢婦鳴機林巒當戶蔦  
蘿暗桑柘繞村薑芋肥幾畝稻田還謂業兩間茅  
舍亦言歸何如一被風塵染到老云云相是非

韋壽博書齋

一作溫庭筠詩今觀五六聯似  
是贈唐亡後人者非薛與溫詩

明矣

玄晏先生已白頭不隨鷓鴣狎群鷗元卿謝免開  
三徑平仲朝歸卧一裘醉後獨知殷甲子病來猶  
作晉春秋塵纓未濯今如此野水無情處處流

潼關河亭

重岡如抱嶽如蹲氣躡秦川勢自尊天地併功開

帝宅山河相奏束龍門櫓聲嘔軋中流渡柳色微  
茫遠岸村滿眼波濤終古事年來惆悵與誰論

潼關驛亭

河上關門日日開古今名利旋堪哀終軍壯節埋  
黃土楊震豐碑翳綠苔寸祿應知霜有分一官常  
懼處非才猶驚往歲同袍者尚逐江東計吏來

題筆筆驛

天地三分魏蜀吳武侯崛起贊訐謨身依豪傑傾  
心術目對雲山演陣圖赤伏運衰功莫就皇綱力  
振命先祖出師表上留遺懇猶自千年激壯夫



題白馬驛

晚麥芒乾風似秋旅人方作蜀門遊家林漸隔梁  
山遠客路長依漢水流滿壁存亡俱是夢百年榮  
辱不堪愁胸中憤氣文難遣強指豐碑哭武侯

題上皇觀

狂寇窮兵犯帝畿上皇曾此振戎衣門前衛士傳  
清警砌下奚官掃翠微雲駐壽宮三洞啟日迴仙  
仗六龍歸當時丹鳳銜書處老栢蒼蒼已合圍

題春臺觀

殿前松柏晦蒼蒼杏遠仙壇水遶廊垂露額題精

思院博山爐裏降真香  
苔侵古碣述陳事  
雲到中峰失上方  
便擬尋溪弄花去  
洞天誰更待劉郎

伏聞令公疾愈對見延英  
因有賀詩遠封投

獻

下語云云海外傳  
令公疾愈起朝天  
皇風再扇寰

區內人鏡重開  
日月邊交齊外記光啓四門  
通壽域深疏萬

頃漑情田陪臣自訝  
迷津久願識方舟  
濟巨川

賀楊收作相

舊唐書云收作相後逢有詩云云收聞大衛之諫此當非賀詩

是感收入相漫咏耳

闕下憧憧車馬塵  
沉浮相次宦遊身  
須知金印朝

天客同是沙堤避路人感感偶時因瑞聖應龍無  
水謾通神丘門不是趨時客始向窮途學問津

上吏部崔相公

龍門曾共戰驚濶雷電浮雲出濤湍紫府有名同  
羽化碧霄無伴却泥蟠公車未結玉生襪客路虛  
彈貢禹冠今日鑪錘任真宰暫迴風水不應難

奉和僕射相公送東川李支使歸使府夏候  
相公

兩地交通布政和上台深喜使星過歡留白日千  
鍾酒調入青雲一曲歌寒柳翠添微雨重臘梅香

綻細枝多平津萬一言卑散莫忘高松寄女蘿

題劍門先寄上西蜀杜司徒

峭壁橫空限一隅劃開元氣建洪樞梯航百貨通  
邦計鍵閉諸蠻屏帝都西感天戎威北狄南吞荆  
鄖制東吳千年管鑰誰鑰範只自先天造化爐

北亭醉後叙舊贈東川陳書記

二十年前事盡空半隨波勢半隨風謀身喜斷韓  
鷄尾辱命羞携楚鶴籠符竹謬分錦水外妻孥猶  
隔散關東臨岐莫恠朱絃絕曾是君家入幾桐

五峰隱者

煙霞壁立水溶溶路轉崖回且暮中  
鷓鴣畏人沉澗月山羊投石掛巖松  
高齋旣許陪雲宿晚稻何妨爲客春  
今日見君嘉遯處悔將名利役踈慵

送西川杜司空赴鎮

黑眉玄髮尙依然紫綬金章五十年  
三入鳳池操國柄八分龍節付兵權  
東周城闕中天外西蜀樓臺落日邊  
莫遣淇鑣曠真宰九流人物待陶甄

送司徒相公赴闕

丞相銜恩赴闕時錦城寒菊始離披  
龍媒舊識朝天路鷄樹長虛入夢枝  
十載殿庭連步武兩來庸

獨撫疲羸莫愁中土無人識自有明明聖主知

送封尚書節制典元

大封茅土鎮寰中醉出都門殺氣雄陌上晚花迎  
虎節馬前新月學瑤弓珂臨響澗聲先合旆到春  
山色更紅欲識真心報天子滿旗全是發生風

送靈州田尚書

陰風獵獵滿旗竿白草颼颼劍氣一作攢九姓羗

渾隨漢節六州蕃落從戎鞍霜中入塞瑤弓硬一作

響月下翻營玉帳寒今日路傍誰不指穰苴門戶

慣登壇

送劉郎中牧杭州

一州橫制浙江灣，臺榭參差積翠間。  
樓下潮迴滄海浪，枕前雲起剡溪山。  
吳江水色連隄潤，越俗春聲隔岸還。  
聖代牧人無遠近，好將能事濟清閑。

送衢州崔員外

笑分銅虎別京師，嶺下山川想到時。  
紅樹暗藏殷浩宅，綠蘿深覆偃王祠。  
風茅向暖抽書帶，露竹迎風舞釣絲。  
休指巖西數歸日，知君已負白雲期。

越王樓送高梓州入朝

高據自梓州刺史入朝，經綿州逢與登越。

王樓以詩贈別

乘遞初登劔外州  
傾心喜事富人侯  
方當游藝依仁日  
便到攀轅卧轍秋  
容聽巴歌消子夜  
許陪仙躡上危樓  
欲知恨戀情深處  
聽取長江旦暮流

送李蘊赴鄭州因獻盧郎中

作趙振詩今從又玄集作逢

詩

僕射陂西想到時  
滿川晴色見旌旗  
馬融閑卧笛聲遠  
王粲醉吟樓影移  
幾日賦詩秋水寺  
經年草詔白雲司  
唯君此去人多羨  
却是恩深自不知

座中走筆送前蕭使君

笙歌慘慘咽離筵  
槐柳陰陰五月天  
未學蘇秦榮



佩印却思平子賦歸田芙蓉欲綻溪邊臉楊柳初  
逃渡口煙自笑無成今老大送君垂淚郭門前

芙蓉溪送前資州裴使君歸京寧拜戶部裴

侍郎

桑柘林枯麩麥乾欲分離袂百憂攢臨溪莫話前  
途遠舉酒須歌後會難薄宦未甘霜髮改夾衣猶  
耐水風寒遙知阮巷歸寧日幾院兒童候馬看

送裴評事

塞垣從事識兵機只擬平戎不擬歸入夜笳聲合

白

一作素

髮報秋榆葉落征衣城臨

一作連

戰壘黃雲

曉馬渡寒沙夕照微此別一作不應書斷絕滿天  
霜雪有鴻飛

重送徐州李從事商隱

曉乘征騎帶犀渠醉別都門慘袂初蓮府望高秦  
御史柳營官重漢尚書斬蛇澤畔人煙曉戲馬臺  
前樹影踈尺組掛身何用說古來名利盡丘墟

送沈單作尉江都

一作趙  
敬詩

煬帝都城春水邊笙歌夜上木蘭船三千宮女自  
塗地十萬人家如洞天熠熠花枝官舍晚重重雲  
影寺牆連少年作尉須矜慎莫向樓前墜馬鞭

送薛耽先輩歸謁漢南

雲繞千峰驛路長，謝家聯句待檀郎。  
手持碧落新攀桂，月在東軒舊選牀。  
幾日旌幢延駿馬，到時冰玉動華堂。  
孔門多少風流處，不遣顏回識醉鄉。

送同年鄭祥先輩歸漢南

時恩門相公鎮山前

年來驚喜兩心知，高處同攀次第枝。  
人倚繡屏閑賞夜，馬嘶花徑醉歸時。  
聲名本自文章得，藩溷曾勞筆硯隨。  
家去恩門四千里，只應從此夢旌旗。

李先輩擢第東歸有贈送

一作趙淑詩

金榜前頭無是非，平人分得一枝歸。  
正憐日暖鶯啼好，不覺花殘鶯語稀。

飄路何處宴迴風滿衣門掩長淮心更遠渡連芳  
草馬如飛茂陵自笑猶多病空有書齋在翠微

送韓絳歸淮南寄韓綽先輩

島上花枝繫釣船隋家宮畔水連天江帆自落鳥  
飛外月觀靜依春色邊門巷草生車轍在朝廷恩  
及鴈行聯相逢且問昭州事一作莫問揚州事曾鼓莊盆  
對逝川

送盧緘歸揚州

曾向雷塘寄掩扉荀家燈火有餘輝關河日暮望  
空極楊柳渡頭人獨一作未歸隋苑荒臺風裏裏灞

陵殘雨夢依依今年春色還相悞爲我江邊謝釣磯

送剡客

一作趙  
賦詩

兩重江外片帆斜數里林塘遶一家門掩右軍餘  
水石路橫諸謝舊煙霞扁舟幾處逢溪雪長笛何  
人怨一作  
思柳花若到天台洞陽觀葛洪丹井一作  
竈  
在雲涯

獵騎

兵印長封人衛稀碧空雲盡早霜微滙川桑落鵬  
初下渭曲禾收兔正肥陌上管絃清似語草頭弓

馬疾如飛豈知萬里黃金成血迸金瘡卧鐵衣

詠柳

弱植驚風急自傷暮來翻遣思悠揚曾飄綺陌隨  
高下敢拂朱欄競短長榮砌乍飛還乍舞撲池如  
雪又如霜莫令岐路頻攀折漸擬垂一作清陰到畫  
堂

五言絕句

何滿子

繫馬宮槐老持杯店菊黃故交今不見流恨滿川

光

涼州詞

千里東歸客無心憶舊遊  
挂帆遊水高枕到青

州

君住孤山下煙深夜徑長  
轅門渡綠水遊苑繞垂

楊

樹發花如錦鶯啼柳若絲  
更遊懽宴地愁見別離

時

七言絕句

涼州詞

昨夜蕃軍報國讐  
沙州都護破涼州  
黃河九曲今

歸漢塞外縱橫戰血流

俠少年

綠眼胡鷹踏錦鞵五花驄馬白貂裘往來三市無人識倒把金鞭上酒樓

嘉陵江

借問嘉陵江水湄百川東去爾西之但教清淺源流在得路朝宗會有期

題黃花驛

孤戍迢迢蜀路長鳥鳴山館客思鄉更看絕頂煙霞外數樹巖花照夕陽



感塞

滿塞旌旗鎮上游各分天子一方憂無因得見哥  
舒翰可惜西山十八州

狼煙

三道狼煙過磧來受降城上探旗開傳聲卻報邊  
無事自是官軍入鈔回

觀獵

馬縮寒毛鷹落臙角兮初暖箭新調平原踏盡無  
禽出竟日翻身望碧霄

定山寺

十里松蘿映碧苔一川晴色鏡中開  
遙聞上界翻經處片片香雲出院來

送蕭俛相公歸山

眼前軒冕是鴻毛天上人情謾自勞  
脫却朝衣便東去青雲不及白雲高

聽曹剛彈琵琶

禁曲新翻下玉都四絃長觸五音殊  
不知天下彈多少金鳳銜花尾半無

石膏枕

事文類聚

表裏通明不假彫冷於春雪白於瑤  
朝來送在涼

床上只怕風吹日炙銷

句

草荒留客院泥卧餒生臺

遊廢寺以下見海錄碎事

碧碎鴛

鴛瓦香埋藹藹鑪

初日暉暉上彩旄

金鞍俯

鞞塵開處銀絃離弦中處聲

儼

昨日鴻毛萬鈞

重今朝山岳

一毫輕

舊唐書本傳王鐸作相逢有詩云云鐸怨之

戊籤五十六

唐音統籤卷

六百六十七

薛能字太拙汾州人會昌六年登進士第太中末  
書判中選補蓋屋尉辟大原陝虢河陽從事李福  
鎮滑表署觀察判官歷侍御史都官刑部員外郎  
福徙西蜀奏以自副咸通中攝嘉州刺史歸朝遷  
主客度支刑部郎中俄刺同州權京兆尹事出帥  
感化入授工部尚書復節度徐州徙忠武廣明元  
年徐軍戍激水經許能以軍懷舊惠館之城許  
軍懼見襲大將周岌乘衆鼓亂逐能全家見害能  
辭於詩日賦一章資驚倨佻輕忤物於前人少所

推許間稱賈長江解詩李青蓮及劉白而下無取

也集十卷

唐宋藝文志同又有繁城集一卷從事蜀中復有江十集

今編其存

者為六卷

鄭谷云近世詩人速作惟薛公篇什最

多宋張詠亦云薛詩近于徐能錄知益

州日以薛詩無全本搜輯五言七言自二韻至百

韻得四百四十八篇依舊卷數編十卷行世後紹

興中山陰陸榮望以全集累句不少刪為二百三

十篇自跋云于太拙無負今傳本即陸所刪然實

二百五十六篇也茲于陸本外更搜得四十八篇

各注補字題下通為三百四篇云

該間錄云薛

能負詩才格調清奇可尚誠射鵰手然使氣任情

意多乖忽從事劉川日每短諸葛力業厚誣之見

于詩不一而足然竟不免許州之禍何遠盤之甚

晁公武曰能晚節感浮屠法奉之唯誰為藩鎮

尤易武史嘗命其子屬案難雅拜新

進士或問其故曰與渠銷弭火谷云

五言律詩一

昇平詞十首

瑞氣述宮樓皇居信上游遠岡連聖祚平地載神州會合皆重譯潺湲近八流中興豈假問據此自千秋

寥泬敞延英朝班立位橫宣傳無草動拜舞有衣聲鴛瓦霜消濕蟲絲日照明辛勤身不到遙見似

前程一作生

處處是歡心時康歲已深不同三尺劍應似五絃琴壽笑山猶盡明嫌日有陰何當憐一物亦遣斷

愁吟

東晉書卷之九  
曙質絕埃氛彤庭列禁軍聖顏初對日龍尾競緣  
雲珮響交成韻簾陰暖帶紋逍遙豈有事於此詠  
南薰

一物至周天洪纖盡晏然車書無異俗甲子並豐  
年奇技皆歸朴征夫亦服田君王故不有台鼎合  
韋絃

日日聽歌謠區中盡祝堯蟲蝗初不害夷狄近全  
消史筆惟書瑞天臺絕凡妖因令匹夫志轉欲事  
清朝

品物盡昭蘇神功復帝謨他時應有壽當代且無

虞賜曆通遐俗移關入半胡  
鷓鴣一何幸於此寄  
微軀

無戰復無私堯時卽此時  
焚香臨極早待月卷簾  
運端拱乾坤內何言黈纁垂  
君看聖明驗只此是  
神龜

旭日上清穹明堂坐聖聰  
衣裳承瑞氣冠冕見重  
瞳花木經宵露旌旗入仗風  
何期於此地見說是  
神工

五帝三皇主蕭曹魏邴臣  
文章唯返朴戈甲盡生  
塵諫紙應無用朝綱自有  
倫昇平不可紀所見是



閑人補

郊居答客

傍舍蟲聲滿，殘秋宿雨村。遠勞之

一作才

子騎先顧

野人門敗葉，盤空蔓彫叢。露暗根相携，語未盡川  
月照黃昏

早春歸山中舊居

綠草閉閒院，悄然花正開。新年人未去，戊日燕還  
來。雨地殘枯沫，燈窓積舊煤。歸田語不忘，樗散將  
非才

秋夜山中述事

初宵門未掩，獨坐對霜空。  
極目故鄉月，滿溪寒草  
風。樵聲當嶺上，僧語在雲中。  
正恨歸期晚，蕭蕭聞塞鴻。

春日寓懷

幽拙未謀身，無端患不均。  
盜憎猶念物，花盡不知  
春。井邑常多弊，江山豈有神。  
健爲何處在，一擬弔埋輪。

春居卽事

雲密露晨暉，西園獨掩扉。  
雨新臨斷火，春冷着單  
衣。榆莢奔風健，蘭芽負土肥。  
交親不是變，自作寄

書稀

春日閑居

權門多見薄吾道豈終行散地徒憂國良時不在  
城花繁春正玉茶美夢初驚賴有茲文在猶堪暢  
此生

寒食有懷

流落傷寒食登臨望歲華村毬高過索墳樹綠和  
花晉聚應搜火秦喧定走車誰知恨榆柳風景似  
吾家

冬日寫懷

幕府盡平繼客留戎閫間急流霜夾水輕雷日連  
山設醴徒慙楚爲郎未姓顏斯文苦不勝會擬老  
民間

下第後春日長安寓居三首

一榜盡精選此身猶陸沉自無功讜分敢抱怨尤  
心囅陷開花氣春居閉日陰相知豈不有知淺未  
知深

暫屈固何恨所憂無此時隔年空神望臨日又參  
差勞力且成病壯心能不衰猶將琢磨意更欲候

宗師

關東歸不得豈是愛他鄉  
草碧餘花落春閑白日  
長全家期聖澤半路敢農桑  
獨立應無侶浮生欲  
自傷

春早選寓長安二首

踈拙自沉昏長安豈是村  
春非閑客事花在五侯  
門道解惟憂禍詩深不敢論  
揚雄若有薦君聖合  
承恩

舊論已浮海此心猶滯秦  
上僚如報國公道豈無人  
嚴隱幾溪瀑城居入榻塵  
漁舟卽擬去不待曉  
年身

春日江居寓懷

歸興乍離邊  
蘭橈復錦川  
斫春槎枿樹  
消雪土膏田  
岸暖尋新菜  
舟寒着舊綿  
臨邛若箇是  
欲向酒家眠

夏日寺中有懷

補

亭午四鄰睡  
院中唯鳥鳴  
當門塞鴻去  
欹枕世人情  
地燥春苔裂  
天涼晚片生  
歸家豈不願  
辛苦未知名

夏日蒲津寺居二首

補

日日閑車馬  
誰來訪此身  
一門兼鶴靜  
四院與僧

鄰兩室牆穿溜風窓筆染塵一作空餘氣長在天

子用平人

故國有如一作餘夢省來長遠遊清晨起閑院疎雨

似深秋宿寢書稜叠行吟杖跡稠天晴豈能出春

暖未更裘

春霽

久客孤舟上天涯漱曉津野芳橙似柳江霽雪和

春吏叫能驚鷺官廳實害身何當窮蜀境却憶滯

遊人

初發嘉州寓題

勞我是健爲南征又北移唯聞杜鵑夜不見游棠  
時在閣曾無負含靈合有知州人若愛樹莫損召  
南詩

嘉秦驛

盡室可招蒐蠻餘出蜀門電涼隨雨氣江熱傍山  
根蠶月繰絲路農時碌礪村千將磨欲盡無位可  
酬恩

嘉陵驛見賈島舊題

賈子命堪悲唐人獨解詩左遷今已矣清絕更無  
之畢竟吾猶許商量衆莫疑嘉陵四十字一一是



天資

舟行至平羌

魏虎直沙壩巖更護早眠簇霜孤驛樹照日下江  
船暫去非吳起終休愛魯連平羌無一術候吏莫  
加邊

邊城寓題

孤寒復飄零天涯若墮螢東風吹痼疾暖日極青  
冥蠶市歸農醉漁舟釣客醒論邦苦不早秭此負  
王庭

邊城作

行止象分符監州是戲儒管排蠻戶遠出箐鳥巢

孤

蜀人謂箐爲排戶謂林爲叢箐

北向秦何在南來蜀已無懷沙

悔不及只有便乘桴

### 留題

茶興復詩心一甌還一吟  
壓春甘蔗冷喧雨荔枝  
深驟去無遺恨幽棲已徧尋  
峨眉不可到高處望  
千岑

### 夏日青龍寺尋僧二首

帝里欲何待人間無闕遺  
不能安舊隱都屬擾明  
時違理須齊辱雄圖豈藉知  
縱橫悉已悟師語是

吾師

得官殊未喜失計是忘愁不是無心速焉能有自  
由涼風盈夏扇蜀茗半邢甌笑向權門客應難見  
道流

春日北歸舟中有懷

盡日遶盤飧歸舟向蜀門雨乾楊柳渡山熱杏花  
村淨鏡空江曉孤燈極浦昏邊城不是憶迴首未  
終恩

綿樓

溪邊人浣紗樓下海棠花極望雖懷土多情擬置

家前山應象外此地已天涯未有銷憂賦梁王  
欲奢

荔枝樓

高檻起邊愁荔枝誰致樓會須教匠坼不欲見  
陬樹痺無春影天連覺漢流仲宣如可擬卽此是

荊州

雕堂

丈室久多病小園晴獨遊鳴蜩振孤燭雨啁雀一  
秋聖主恩難謝生靈志亦憂他年誰識我心跡在

徐州

分水嶺望靈寶峰

千尋萬仞峰靈寶號何從  
成立同吾道貪程阻聖蹤  
嶺竒應有藥壁峭盡無松  
那得休於是蹉跎亦卧龍

聖廟

古跡是何王平身入石房  
遠村通後邈一郡隔前崗  
晝靜唯禪客春來有女郎  
獨醒迴不得無事可焚香

通仙洞

高龕險欲摧百尺洞門開  
白日仙何在清風客暫來

來臨崖松直上避石水低迴賈掾曾空去題詩豈  
易哉

石堂溪

三面接漁樵前門向郡橋岸沙崩橘樹山逕入茶  
苗夜擁軍煙合春浮妓舸邀此心無與醉花景莫  
相燒

泛觴池

通咽遠

一作遠

華罇泛觴客自君淨看籌見影輕動

酒生紋細滴隨盃落來聲就浦分便應半酣後清  
冷漱兼雲

平蓋觀

巨栢與山高玄門靜有猿春風開野杏落日照江  
濤白壁心難說青雲世未遭天涯望不極誰識詠  
離騷

三學山開照寺

盡室徧相將十方上下方夜聲蒲樹遠春氣栢林  
香聖跡留巖險靈燈出混茫何因將慧劍割愛事  
空王

凌雲寺

像閣與山齊何人致石梯萬煙生聚落一醴露招

齋月人來上殘湯  
鶴去栖從邊亦已極  
烽火是沉黎

龍興寺

高戶列禪房松門到上方  
像開祇樹嶺人施蜀城  
香地徧磷磷石江移子子  
櫺林僧語不盡身後事  
梁玉

開元寺閣

一閣見一郡亂流仍亂山  
未能終日住尤愛暫時  
閑唱棹吳門去啼林杜宇  
還高僧不可羨西景掩

禪關



北都題崇福寺

寺即高祖舊宅

此地潛龍寺何基卽帝基細花庭樹蔭清氣殿門

開長老多相識旬休暫一來空空亦擬解干進幸

無媒

戊籤五十六薛能之二

唐音統籤卷

六十八

五言律詩二

贈苗端公二首 補

繁總近何如君才必有餘身歡步兵酒吏寫魯連  
書坐默聞輦吹庭斑見雪初沉碑若果去一為訪  
鄰居

至老不相踈斯言不是虛兩心宜一體同舍又鄰  
居曉角秋砧外清雲白月初從軍何有用未造魯  
連書 二首似能與苗贈答詩文  
文苑英華俱作能疑誤

贈隱者

自得高閑性平生向此樓月潭雲影短一作山葉  
雨聲齊庭樹人書匣欄花鳥坐低相留永不忘經  
宿話丹梯

贈隱者

門前雖有徑絕向世間行薙草因逢藥移花便得  
鶯甘貧原是道苦學不爲名莫恠蒼髭晚無機任  
世情

贈源寂禪師

餅鉢鎮隨腰怡然處寂寥門禪從北祖僧格似南  
朝性近徒相許緣多愧未銷何當傳一作法慧此

岸要津橋

贈禪師

嗜慾本無性此生長在禪九州空有路一室獨多年  
鳴磬微塵落移餅濕地圓相尋偶同宿星月坐  
忘眠

贈禪師

夢想青山寺前年住此中夜堂吹竹雨春地落花  
風舊句師曾見清齋我亦同浮生蹇莫問辛苦未  
成功

贈僧

補

盡日行方到何年獨此林客歸惟鶴伴人少似師  
心坐石落松子禪牀搖竹陰山靈怕驚定不遣夜  
猿吟

贈歌人

溫煖坐相侵羅襪一水沉拜深知有意令背不無  
心近住應名玉前生約姓陰東山期已定相許便  
抽簪

和楊中丞早春卽事

貴宅登臨地春來見物華遠江橋外色繁合竹邊  
花成客烽樓迥文君酒幔斜新題好不極珠府未

窮奢

寄河南鄭侍郎

補

三峽與三壕門闌去夢勞細冰和洛水初雪洒嵩  
高大雅何由接微榮日已逃寒窻不可寐風地葉  
搔搔

寄唁張喬喻坦之

何事盡參差惜哉吾子詩日令銷此道天亦負明  
時有路當重振無門即不知何當見堯日相與噉  
澆漓

麟東寓居寄蒲中友人

補

唐詩集卷之五  
蕭條秋雨地獨院阻同羣一夜驚爲客多年不見  
君邊心生落日鄉思羨歸雲更在相思處子規燈  
下聞

寄李頻補

長安千萬蹊迷者自多迷直性身難達良時日易  
低環簷消舊雪晴氣滿春泥那得君同去遙峰苦  
愛齊

寄終南隱者

海日東南出應開嶺上扉掃壇花入簋科竹露落  
衣飯後嫌身重茶中見鳥歸相思愛名者難說與

親違

寄題巨源禪師

風雨禪思外應殘木槿花何年別鄉土一衲代袈  
裘日氣侵餅暖雷聲動枕斜還當掃樓影天晚自  
煎茶

送劉駕歸京

補

相逢聽一吟惟我不降心在世憂何事前生得至  
音蒲多南去遠汾盡北遊深爲宿關亭日蒼蒼曉  
欲臨

送馬戴書記之太原



一由大河聲全家幾日行從容長約夜差互忽離  
城鎮北胡沙淺途中霍嶽橫相逢一作莫已訊詩  
雅負雄名

送從兄之太原副使

少載琴書去須知暫佐軍初程見西嶽盡室渡橫  
汾元日何州住枯風宿館聞都門送行處青紫騎  
紛紛

送馮溫往河外

琴劍事行裝河關出北方秦音盡河內魏畫自黎  
陽野日村苗熟秋霖歸葉黃風沙問船處應得立

清漳

送李溟出塞

邊城官尚惡况乃是鞞遊別路應相憶離亭更少  
留黃沙人外濶飛雪馬前稠甚險穿廬宿無爲過

代州

送友人出塞

榆關早不可何况出榆關春草臨岐斷邊樓帶日  
閑人歸穿帳外鳥亂廢營間此地秋堪想  
一作堪想  
霜前作意還

送許棠下第東歸

長安那不住西笑又東行若以貧無計何因事有成雲峰天外出江色草中明謾忝相於分吾言世甚輕

送胡澳下第歸蒲津

無媒甘不飛君子尚麻衣歲月終榮在家園近且歸山光臨舜廟河氣隔王畿甚積湯原思青青宿

麥肥

自注湯原故地

秋晚送無可上人

半夜覺松雨照書燈悄然河聲纔漸瀝舊業近潺湲坐滴寒更盡吟驚宿鶴遷相思不相見日短復

愁牽

冬日送僧歸吳中

去掃冬林下，閑持未徧經。  
爲山低鑿牖，容月廣開庭。  
舊業雲千里，生涯水一鉉。  
還應覓新句，看雪倚禪扃。

送禪僧

寒空孤鳥度，落日一僧歸。  
近寺路聞梵，出郊風滿衣。  
步搖鉾浪起，盂曼磬聲微。  
還坐棲禪所，荒山月照扉。

聞官軍破吉浪戎小而固慮史氏遺忽因記

爲二章

一戰便抽兵蠻孤吉浪平通連無舊穴要害有新  
城畫卒烽前寢春農界上耕高樓一擬望新雨劍  
南清

瀘水斷器氛妖巢已自焚漢疆無敵國蠻物在邇  
軍越雋通遊騎直時閉聚蚊空餘羅鳳曲哀思滿  
邊雲

題逃戶

幾世晉農桑凶年竟失鄉朽關生濕菌傾屋照斜  
陽雨水淹殘日葵花壓倒牆明時豈致此應自負

蒼蒼

恭禧皇太后挽歌詞三首

八月曾殊選三星固異儀  
祔陵經灞澹歸賜雜華  
夷旌去題新謚宮存鏤素幃  
重泉應不恨生見太平時

月落娥兼隱空宮后豈還銜  
哀窮地界親蒞泣天顏  
舊住留丹藥新陵在碧山  
國人傷莫及應只詠關關

配聖三朝隔靈儀萬姓哀  
多年好黃老舊日薦賢才  
道著標彤管宮闈閉綠苔  
平生六衣在曾着祀

高禱

夏雨

何處發天涯風雷一道除去聲隨地急殘勢傍樓  
斜透樹重紅葉沾塵帶落花瀟湘無限思閑看  
下簾葭

詠島

孤島如江上詩家猶閉門一池分倒影空舸繫荒  
根煙濕高吟石雲生偶坐痕登臨有新句公退與  
誰論

竹逕補

盤逕入依依旋驚幽鳥飛  
尋多苔色古踏碎籜聲  
微鞭節橫妨戶枝梢動拂衣  
前溪聞到處應接釣  
魚磯

碧鮮亭春題竹

補

竹少竹更重碧鮮  
疆更名有欄常凭立無徑獨穿  
行夕月陰何亂春風葉盡輕已  
聞圖畫客兼寫薛  
先生

使院栽葦

補

憂憂復差差一叢千萬枝  
格如僧住處栽得吏閑  
時筭自廳中出根從  
府外移從軍無宿例空想夜



風吹

江柳

條綠似垂纓  
離筵日照輕  
向人雖有態  
傷我爲無情  
橋遠孤臨水  
墻低半出營  
天津曾此見  
亦是憺行行

早蟬補

不見上庭樹  
日高聲忽吟  
他人豈無耳  
遠客自關心  
暫落還因雨  
橫飛亦向林  
分明去年意  
從此漸闌砧

五言小律

柘棘詞三首

同管三十萬震鼓伐西羌戰血黏秋草征塵攪夕  
陽歸來人不識帝里獨戎裝

懸軍征柘羯內地隔蕭關日色崑崙上風聲朔漠  
間何當千萬騎颯颯貳師還

意氣成功日春風起絮天樓臺新邸第歌舞小嬋  
始急破催捩曳羅衫半脫肩

戊籤五十六薛能之三

唐音統籤卷

六百六十九

五言排律

長安道

汲汲復營營東西連兩京關繻古若在山岳累應  
成各自有身事不相知姓名交馳兼衆類分散入  
重城此去應無盡萬方人旋生空餘片言苦來往  
覓劉楨

行路難

何處力堪殫人心險萬端藏山難測度暗水自波  
瀾對面如千里迴腸似七盤已經吳坂困欲向鴈

門難南北誠須泣高深不可干無因善行止車轍  
得平安

春色滿皇州

補 一作 滕邁詩

藹藹復悠悠春歸十二樓最明雲裏闕先滿日邊  
洲色媚青門外光搖紫陌頭上林榮舊樹太液泛  
新流暖帶祥煙起晴添瑞景浮陽和如啓蟄從此  
事芳遊

賦得天際識孤舟

補

斜日滿江樓天涯照背流同人在何處遠目認孤  
舟帆省當時席歌聞舊日謳人浮津濟晚棹泛沈

寥秋晴闕欣全見歸遲怪久遊離居意無限貪此  
望難休

國學試風化下

霽闕露穹崇舍生仰聖聰英明尚比日聲教下如  
風靜發宸居內低來品物中南薰歌自溥北極響  
皆通蘋末看無狀人間覺有功因令委泥者覩此  
志途窮

除夜作

和吹度穹旻虛徐接建寅不辭加一歲唯喜到三  
春燎照雲烟好幡懸井邑新禎祥應北極調燮驗

平津樹欲令遲日山將退舊塵蘭萎殘此夜竹爆  
 和諸鄰祝壽思明聖驅儻看鬼神圖圓多少輩眠  
 寢獨勞筋苦施猶雙節離盤又五辛何當平賊後  
 歸作自由身

華岳

鄭谷有頌能句云華岳題無敵黃河句  
 絕倫引能自序云華岳黃河皆二京之

內臣題目  
 不負不負

簇簇復亭亭三峯卓杳冥每思窮本末應合記圖  
 經發地連宮觀衝天接井星河微臨巨勢秦重載  
 奇形太古朝羣后中央擘巨靈鄰州猶映檻幾縣  
 恰當庭鶴毳壇風亂龍漿洞水腥望遙通北極上

徹見東溟客翫晴難偶農祈雨必零度關無暑氣  
過路得愁醒羽客時應見霜猿夜可聽頂懸飛瀑  
峻崦合白雲青混石猜良玉尋苗得茯苓從官知  
側近悉俸致巖扁

黃河

何處發崑崙連乾復浸坤波潭經鴈塞聲振自龍  
門岸裂新衝勢灘餘舊落痕橫溝通海上遠色盡  
山根勇逗三峯拆雄標四瀆尊灣中秋景樹澗外  
夕陽村沫亂知魚响槎來見鳥蹲飛沙當白日凝  
霧接黃昏潤可資農畝清能表帝恩雨吟堪極目

風渡想驚魂顯瑞龜曾出陰靈伯固存盤渦寒漸  
急淺瀨暑微溫九曲終柔勝常流可暗吞人間無  
博望誰復到窮源

蔡州蔣亭

草徑徹林間過橋如入山蔡侯添水榭蔣氏本柴  
關靜泛窮幽趣驚飛溼醉顏恨無優俸買來得暫  
時閑步與招提接舟臨夕照還春風應不到前想  
負花灣

申湖補

昔年依峽寺每日見申湖下淚重來此知心一已



無雨淋舟色暗崖拔木形枯舊境深相惱新春宛  
不殊方來尋熟侶起去恨驚鳥忍事花何笑喧吟  
瀑正麓堪憂從宦到倍遣曩懷孤上馬終回首傍  
人怪感吁

### 題漢州西湖

西湖天下名可以濯吾纓况復攜家賞從妨半驛  
程嘗茶春味渴斷酒晚懷清盡得幽人趣猶嫌守  
吏迎重疊逢角暮百事喜詩成坐阻湘江請誰爲  
請政聲

勸安撫副使曾此賦詩尋自  
南宮有湘潭之命因以吟歎

### 西園途中二十韻

野客謨乘麻從軍帶鎔鏹論之白帝未合過黃  
花落日投江縣征塵漱齒牙蜀音連井絡秦分隔  
褒斜破路商逢使山郵雀啣蛇憶歸臨角黍良遇  
得新瓜食久庭陰轉行身屢齒窪氣清巖下瀑烟  
漫雨餘畬黃鳥當盤饌稀蒿雜麥查汗涼風似雪  
槩度密如沙野色生肥芋鄉儀禱散茶梯航經杜  
宇烽候徹苴昨逗石流何險通關運固除葛侯真  
竭澤劉主合亡家陷彼貪功吠貽爲黷武誇陣圖  
誰許可廟貌我歛挪開事休徵漢斯行且詠巴音  
繁來有鐸軌盡去無車溢目看風景清懷曠月華

燭樵烹紫笋腰箠憩烏紗杞國憂尋悟臨邛渴自  
加移文莫有誦必不滯天涯

酬曹侍御見寄

儒道苦不勝邇來惟慕禪觸途非巧者於世分沉  
然夢地羞難入閒居鈍更便清和挑菜食悶寂閉  
花眠累遣期拋俸機忘怕與權妨春愁筦榷響夜  
憶林泉匪石從遭別殊膏枉被煎討論唯子厚藏  
退合吾先舊製羣英伏來章六義全休旬一擬和  
鄉思亂情田

送浙東王大夫

補

天爵擅忠貞皇恩復寵榮遠源過晉史甲族本纒

笙亞相兼尤美周行歷盡清制除天近曉衙謝草

初生賓客招閒地戎裝擁上京九街一作衢鳴玉勒

一宅照紅旌細雨當離席遙花顯去程佩刀畿甸

色歌吹館橋聲驥裏從秦賜餘艋到汴迎步沙逢

霽月宿岸致嚴更渤澥流東鄙天台壓屬城衆談

稱重鎮公意念疲昨井邑曾多難瘡痍此未平察

應均賦敏迓必復桑耕隼重權兼帥鼂雄設有兵

越毫隨厚俸剡磴得尤名近相傳稿熟紙名磴夜蠟一作州

中宴春風部外行香奩扇鳳詔朱篆進龍坑報後

功何患投虛論素精徵還真指掌感激自關情舊  
業懷昏作微班負且評空餘騷雅事千古傲劉楨

長安送友人之黔南

補

衡嶽猶云過君家獨幾千心從賤遊話分向禁城  
偏陸路終何處三湘在素船琴書去迢遞星路照  
潺湲臺鏡簪秋晚盤蔬飯雨天同文到鄉盡殊國  
共行連後會應多日歸程自一年貧交永無忘孤  
進合相憐

送李殷遊京西

補

立馬送君地黯然愁到身萬途皆有匠六義獨無

人莫怪敢言

一作言如

此已能其世貧時來貴亦在事

是掩何因投刺皆羈旅遊邊更苦辛岐山終蜀境  
涇水覆蠻塵埋沒食須強炎蒸醉莫頻俗徒欺合  
得吾道死終新展分先難許論詩永共親歸京稍  
作意充斥犯西鄰

### 送趙道士歸天目舊山

愚朴尚公平此心鄰道情有緣終自鄙何計逐師  
行日者聞高躅時人蓋強名口無滋味入身有羽  
儀生奏乞還鄉遠詩曾對御成土毛珍一作微到越  
塵髮倦離京符叱風雷惡朝修月露清觀臨天目

頂家住海潮聲導引闕看足參同注解精休糧一  
擬問葱草俟回程

戲題

閃閃動鳴璫襖來燭影傍擁頭珠翠重縈步綺羅  
長靜發歌如磬連飄氣覺香不言微有笑多媚總  
無粧坐缺初離席簾垂却入房思惟不是夢此會  
勝高唐

春雨

電開照潺潺驚流往復還遠聲如有洞迷色似無  
山利物乾坤內并風竹樹間靜思來朔漠愁望滿

柴關迸溼消塵慮吹嵐觸病顏誰知草茅逕沾此  
尚虛閒

秋雨

宿雨覺纔初亭林忽復徐簇聲諸樹密懸滴四簷  
疎省漏疑方丈愁炊問斗儲步難多入屐臆淺欲  
飄書動螻蒼苔靜藏蠶落葉虛吹交來禽習雷漫  
歇躊躇滯已妨行路晴應好荷鋤醉樓思蜀客鯉  
市想淮魚選草因緣合欄花自此除有形皆霹靂  
無地不污瀦境晦宜甘寢風清  
我魂驚夏  
輦鄰話喜秋蔬旣用功成歲疑  
慘變舒倉箱足



可恃歸去傲吾廬

新雪八韻

大雪滿初晨開門萬象新  
龍鍾雖未起蕭索我何貧  
耀若花前境清如物外身  
細飛斑戶牖乾灑亂松筠  
正色疑高嶺隨流助要津  
鼎消微是滓車碾半和塵  
茶典畱詩客瓜情想成人  
終篇無本字誰別勝陽春

桃花

秀氣自天鍾千年豈易逢  
開齊全未落繁極欲相重  
冷濕朝如淡晴乾午更濃  
風光新社燕時節舊

春農籬落歎臨竹亭臺盛間松亂綠堪羨蟻深入  
不如蜂有影宜暄煦無言自治容洞連非俗世溪  
靜接仙蹤子熱河應變根盤土已封西王潛愛惜  
東朔盜過從醉席眠英好題詩戀景慵芳菲聊一  
望何必在臨印

詠柳花

浮生失意頻起絮又飄淪發自誰家樹飛來獨院  
春朝容紫斷砌晴影過諸鄰亂掩空中蝶繁衝陌  
上人隨波應到海霏雨或依塵會向慈恩日輕輕  
對此身

牡丹 補

異色稟陶甄常疑主者偏眾芳殊不類一笑獨奢  
妍穎拆羞含嬾萊虛隱陷圓亞心堆勝被美色艷  
於蓮品格如寒食精光似少年種堪收子子價合  
易賢賢迥秀應無妬奇香稱有仙深陰宜映幕富  
貴助開筵對水爭能染巫山未可憐數難忘次第  
立困戀傍邊逐日愁風雨和星祝夜天且從畱盡  
賞離此便歸田

牡丹乾符二年再作 補

萬朵照初筵狂遊憶少年曉光如曲水顏色似西

川白向庚辛受朱從造化妍衆開成伴侶相笑極  
神仙見焰寧勞火聞香不帶煙自高輕月桂非偶  
賤池蓮影接彫盤動葦遭惡草鏡招歡憂事阻就  
臥覺情牽四面宜綈錦當頭稱管絃泊來鷺定憶  
紛擾蝶何嬾蘇息承朝露滋榮仰霽天壓欄多盡  
好敵國貴宜然未落須迷醉因茲任病纏人誰知  
極物空負感麟篇

詠夾邇菊

補

夾邇盡黃英不通人並行幾曾相對綻元自兩行  
生叢比高低等香連左右并畔搖風勢斷中夾日

華明間隔蛩吟隔交橫蝶亂橫頻應泛桑落摘處  
近前楹

海棠 有序

蜀海棠有聞而詩無聞杜子美於斯典象靡出  
及而有懷天之厚余謹不敢讓風雅盡在蜀矣  
吾其庶幾

酷烈復離披玄功莫我知青苔浮落處暮柳間開  
時帶醉遊人掃連陰被叟移晨前清露濕宴後惡  
風吹香少傳何許妍多畫半遺島蘇漣水脉庭綻  
粒松枝偶泛因沉硯閒飄欲亂碁遶山生玉壘和  
郡徧坤維負賞慙休飲牽吟分失饑明年應不見

畱此贈巴兒

一葉落

輕葉獨悠悠天高片影流  
隨風來此地何樹落先  
秋變色黃應近辭林綠  
尚稠無雙浮水面孤絕落  
關頭乍減誠難覺將凋勢  
未休客心空自比誰肯  
問新愁

蜀州鄭史君寄烏觜茶因以贈荅八韻

烏觜擷渾牙精靈勝鑊錡烹  
嘗方帶酒滋味更無  
茶拒碾乾聲細撐封利穎斜  
銜蘆齊勁實啄木聚  
菁華鹽損添常誠薑宜著  
更誇得來拋道藥携去

就僧家旋覺前甌淡還愁後信賒千慙故人意此  
惠敵丹砂